

Procedura u vezi posredovanja građana Bosne i Hercegovine za rad za poznatog poslodavca u SR Njemačkoj na poslovima njegovatelja

Državljeni Bosne i Hercegovine imaju mogućnost da stupe u kontakt sa poslodavcem u SR Njemačkoj, te na taj način pokrenu proceduru zaposlenja u toj državi.

Nakon što je sa poslodavcem stupio u kontakt i postigao dogovor o zaposlenju, potrebno je da kandidat lično ili putem pošte dostavi prijavu i dokumentaciju Agenciji za rad i zapošljavanje Bosne i Hercegovine, koja će istu proslijediti Saveznoj agenciji za rad SR Njemačke – Centralnom uredu za posredovanje u međunarodnom i stručnom zapošljavanju (ZAV). Predstavnici ZAV-a će nakon provjere dokumentacije sa dotičnim poslodavcem zaključiti dvojezični ugovor o radu i izdati saglasnost za zaposlenje, koje će poslati Agenciji za rad i zapošljavanje Bosne i Hercegovine.

Po prijemu navedenih dokumenata predstavnici Agencije za rad i zapošljavanje Bosne i Hercegovine će pozvati kandidata da potpiše dvojezični ugovor o radu, te će na kraju i odgovorno lice ispred Agencije za rad i zapošljavanje Bosne i Hercegovine potpisati ugovor.

Kandidat će preuzeti original dokumente, te u Ambasadi SR Njemačke u Sarajevu pokrenuti proceduru za dobivanje boravišne dozvole/vize po osnovu rada (Napomena: o dokumentaciji potrebnoj za dobivanje vize kandidati se mogu informisati na <http://www.sarajevo.diplo.de>).

Nakon dobivanja boravišne dozvole/vize, kandidat je obavezan informaciju o tome dostaviti Agenciji za rad i zapošljavanje Bosne i Hercegovine (kopiju vize i informaciju o datumu zaposlenja dostaviti putem pošte ili skenirano putem maila na arz@arz.gov.ba).

Prijavu sa potrebnom dokumentacijom kandidat dostavlja LIČNO ili PUTEM POŠTE na adresu:

AGENCIJA ZA RAD I ZAPOŠLJAVANJE BOSNE I HERCEGOVINE

Đoke Mazalića br. 3.

71 000 Sarajevo

(sa naznakom „Prijava za rad u SR Njemačkoj“)

Uz prijavu je potrebno dostaviti slijedeće dokumente:

1. Ponuda za posao (ugovor o radu, saglasnost, izjava ili bilo koji drugi dokument koji je izdao poslodavac na ime kandidata, kao dokaz da će istog zaposliti u SR Njemačkoj);
2. Kopija prve i zadnje stranice biometrijskog pasoša;
3. Prijava sa fotografijom (obična fotografija veličine 3,5x4,5 cm);
4. Biografija;
5. Diploma srednje medicinske škole – opšti ili pedijatrijski smjer (ovjerena kopija);
6. Diploma srednje medicinske škole na njemačkom jeziku – prevedena i ovjerena od strane sudskog prevodioca i ovjerena apostilom (ovjerena kopija);
7. Radna knjižica, preporuke ili potvrda prethodnog poslodavca o radnom iskustvu na njemačkom jeziku - prevedena i ovjerena od strane sudskog prevodioca i ovjerena apostilom (ovjerena kopija);
8. Izjava o obavezi priznavanja diplome u SR Njemačkoj;
9. Izjava/saglasnost za raspolaganje ličnim podacima.